

Ժողովուրդ

175
(2655)

6 դեկտեմբերի երեքշաբթի
2022տպագրության ԺԱ տարի

✉ ք. Երևան, Արվյան 22ա/3 (0010)

☎ + 374 10 546423

@ info.armlur@gmail.com, info.zhoghovurd@gmail.com


100 դրամ

ՆԻԿՈՒ ՓԱՇԻՆՅԱՆԸ ԽԱԲԵԼ Է. ՄԱՍ 148



ՀՀ վարչապետ Նիկոլ Փաշինյանը 2019 թվականի փետրվարի 12-ին Ազգային ժողովում հայտարարել էր, որ լուծարված «Շիրակ» հանրային հեռուստաընկերության աշխատակիցները չեն կորցնի իրենց աշխատանքը, քանի որ կա ներդրող: Վարչապետը, մասնավորապես, նշել էր, որ կա պայմանավորվածություն ներդրողի հետ, եւ կառավարությունը «Շիրակ» հանրային հեռուստաընկերության ակտիվները կօտարի այդ ներդրողին, նա այդ աշխատատեղերը կպահպանի առնվազն առաջիկա մի քանի տարիներին: «Այդ մարդիկ առանց աշխատանքի չեն մնա՝ ըստ մեր պայմանավորվածության...»,- ասել էր Փաշինյանը: «Շիրակ» հանրային հեռուստաընկերությունում ներդրում չի կատարվել: «Փաստերի ստուգման հարթակ»-ի հարցմանն ի պատասխան՝ կառավարությունից հայտնեցին, որ ծրագրի քննարկման ժամանակ խնդիրներ են ծագել: ««Շիրակ» հանրային հեռուստաընկերությունում ներդրումային ծրագիր իրականացնելու հայտնի քննարկման ժամանակ ի հայտ են եկել այնպիսի իրավական եւ տեխնիկական խնդիրներ, այդ թվում՝ կապուղու հետ կապված, որոնք հնարավորություն չեն տվել իրականացնել ներդրումային ծրագիրը»,- նշված է պատասխանի մեջ: Անկողնելով՝ կարող ենք արձանագրել, որ թեեւ վարչապետ Նիկոլ Փաշինյանը 2019 թվականին հայտարարել էր, որ կա ներդրող, որին կօտարվեն «Շիրակ» հանրային հեռուստաընկերության ակտիվները, ներդրում փաստացի չի կատարվել, իսկ հեռուստաընկերության աշխատակիցները ազատվել են աշխատանքից: Ստացվում է՝ Նիկոլ Փաշինյանը հերթական անգամ խաբել է ՀՀ հպարտ են արժանապատիվ քաղաքացիներին:

Ազգային ժողովի «Քաղաքացիական պայմանագիր» խմբակցության պատգամավոր Դավիթ Դանիելյանը, պարզվում է, նկարգությունից ու քրեական ենթամշակույթից գատ, նաեւ ֆուտբոլով է հետաքրքրվում: «Ժողովուրդ» օրաթերթը մոտ մեկ ամիս առաջ էր գրել, որ ՀՀ վարչապետի աշխատակազմի ղեկավար Արայիկ Հարությունյանի արվեստագետ սանկիը, ո՛չ ավել, ո՛չ պակաս, քրեական ենթամշակույթի առանձին ներկայացուցիչների հետ է մտերմություն անում, հետաքրքրվում այդ աշխարհի անցուդարձով եւ այլն: Աժմ էլ, փաստորեն, սպորտի ոլորտում է փորձում քայլեր անել ու ամրապնդվել այդտեղ: «Ժողովուրդ» օրաթերթի սյունիքյան աղբյուրների փոխանցմամբ՝ «Գանձասար-Կապան» ֆուտբոլային ակումբով հենց Դանիելյանն է զբաղվում: Խոսակցություններ կան անգամ, որ ակումբը նրան է պատկանում: «ԶՊ-ական պատգամավորը «Կապան-Գանձասարի» բոլոր խաղերին ներկա է, ակումբի հետ կապված ցանկացած բան ինքն է որոշում, լուծում եւ այլն: Վարչապետ Փաշինյանի՝ դեռեւս 2018-ի հոկտեմբերին Կապանում արած հայտարարությունը մատի փաթեթի դարձրած, թե ֆուտբոլը պետք է Կապան վերադառնա՝ հասել է նրան, որ գոծադիրն ամեն ամիս մոտ 8-9 մլն դրամ է փոխանցում ակումբին»,- «Ժողովուրդ» թերթին ասաց Սյունիքի մեր լավատեղյակ աղբյուրը: Թե ինչ վրձնահարվածով է նկարիչ պատգամավորը նաեւ ֆուտբոլի ասպարեզում հայտնվել, անձամբ նրանից փորձեցինք ճշտել: «Ես, այո, ակումբի բոլոր խաղերին հետեւում եմ, եւ, այո, գործադիրը, իմ տեղեկություններով, ֆինանսական օժանդակություն է տալիս ակումբին: Հուսանք՝ ակումբն այնքան կաճի, կզարգանա, որ որոշ ժամանակ անց պետական ֆինանսական աջակցության կարիք այլեւս չի ունենա: Ինչ վերաբերում է խոսակցություններին, թե ակումբն իմն է, ապա դրանք խոսակցություններ են, որ գոյություն կարող են ունենալ»,- փաստացի մեր լուրը հաստատելով՝ ասաց Դանիելյանը:



«Ժողովուրդ» օրաթերթի տեղեկություններով՝ Աժ «Հայաստան» խմբակցության պատգամավոր Գեղամ Մանուկյանին մեղադրանք առաջադրելու համար խորհրդարան կգա ՀՀ գլխավոր դատախազ Աննա Վարդապետյանը: Մենք գրել էինք, որ նա հայտնվել է իրավապահների ուշադրության կենտրոնում քուրդ ազատամարտիկների՝ Թուրքիայում հայտնվելու դեպքով արած հայտարարությունների համար: Բանն այն է, որ «Աժ կանոնակարգ» օրենքի 108-րդ հոդվածի համաձայն՝ պատգամավորի նկատմամբ քրեական հետապնդում հարուցել կամ ազատությունից զրկել հնարավոր է միայն Ազգային ժողովով՝ դատախազի միջնորդության հիման վրա: Ընդ որում՝ պատգամավորի նկատմամբ քրեական հետապնդում հարուցելու կամ նրան ազատությունից զրկելու համաձայնություն տալու մասին Ազգային ժողովի որոշումն ընդունվում է գաղտնի քվեարկությամբ: Հիշեցնենք, որ Գեղամ Մանուկյանը ԱԱԾ-ում հարցաքննվել էր քուրդ ազատամարտիկների՝ Թուրքիայում հայտնվելու դեպքով տարվող քրեական գործով, ինչը հենց Մանուկյանը հաստատել էր մեզ հետ զրույցում: «Ժողովուրդ» օրաթերթը ավելի վաղ գրել էր, որ ԱԱԾ-ում քրդերի՝ Թուրքիայում հայտնվելու առեղծվածային դեպքով քրեական գործ է հարուցվել, եւ բավականին խիստ է դրվել հարցը՝ պարզել, թե ինչպես են երկու քուրդ ազատամարտիկները հայտնվել Թուրքիայի ուժային կառույցներ մոտ: Հիշեցնենք նաեւ, որ երկու քրդերը Հայաստանում 2021 թվականի օգոստոսի 16-ին ապօրինի հասել էին Արաքս գետով անցնող՝ ՀՀ պահպանվող պետական սահմանը:



«Ժողովուրդ» օրաթերթի տեղեկություններով՝ 2022 թվականի հոկտեմբերի սկզբին Սահմանադրական դատարանի նախագահ Արման Դիլանյանը դատարանի անդամների մոտ բարձրաձայնել է իր՝ Սահմանադրական դատարանի նախագահի պաշտոնում հետագա պաշտոնավարման մասին հարցը: «Ժողովուրդ» օրաթերթի հետ զրույցում Սահմանադրական դատարանի նախագահ Արման Դիլանյանը հաստատեց մեր ունեցած տեղեկությունը եւ պարզաբանեց, թե ինչու է իր հրաժարականի մասին հարցը բարձրաձայնել: «Երբ ես ընտրվում էի Սահմանադրական դատարանի նախագահ, այդ ժամանակ իմ գործընկերներին հայտնեցի, որ երկու տարի հետո բարձրացնելու եմ Սահմանադրական դատարանի նախագահի պաշտոնում իմ հետագա պաշտոնավարման մասին հարցը: Ես կատարեցի խոստումս եւ այս տարվա հոկտեմբերի սկզբին ՍԴ դատավորների մոտ բարձրացրի իմ հետագա պաշտոնավարման հարցը, թե արդյոք իմ կուլեզաները կողմ են, որ ես շարունակեմ մնալ ՍԴ նախագահ, թե ոչ», - մանրամասնեց նա: Արման Դիլանյանը նաեւ հայտնեց, որ իր գործընկերներից որեւէ առարկություն իր հետագա պաշտոնավարման մասով չի եղել, ուստի շարունակելու է իր՝ ՍԴ նախագահի պարտականությունները: Հիշեցնենք, որ «Ժողովուրդ» օրաթերթը դեռ այս տարվա հուլիսի 5-ին էր գրել, որ աշխարհը Սահմանադրական դատարանի նախագահ Արման Դիլանյանը բարձրացնելու է իր հետագա պաշտոնավարման մասին հարցը:



ՔԱՂԱՔԱԿԱՆ

ՄԱՐՈՒՔՅԱՆԻ ՁԵՌԱՄԲ

ՎԱՆԱՉՈՐԸ ԳՈՓՈՒՄ Է ՏԵՂՈՒՄ

Ազգային ժողովի «Հայասան» խմբակցության ղապազմավոր, վանաձորցի Արմենուհի Կյուրեղյանն ասում է, որ իշխանությունը մի կողմից խոսում է ժողովրդավարության մասին, մյուս կողմից չի հարգում այն մի քանի հարյուր վանաձորցիների ընտրությունը, որով հանրապետության մեծությամբ երրորդ քաղաքում իշխող «Քաղաքացիական դայմանագիրը» դառնվել է:



«Ընտրություններից մեկ տարի անց ընտրված ավագանին նիստ չի գումարել, ու այդտեղ մեծ մեղավորություն ունի «Լուսավոր Հայաստան» կուսակցության առաջնորդ Էդմոն Մարուքյանը», - նշում է Կյուրեղյանը: Այս եւ այլ հարցերի շուրջ «Ժողովուրդ» օրաթերթը զրուցել է ընդդիմադիր պատգամավորի հետ:

-Տիկին Կյուրեղյան, նախորդ տարվա ղեկավարների 5-ին վանաձորում ընտրություններ տեղի ունեցան: Անցել է ուղիղ մեկ տարի, վանաձորն առ այսօր չունի գործող համայնքի ղեկավար, ունի միայն պաշտոնակատար: Քաղաքական կամք է, դավադրությունների տեսություն է, թե՛ մեկ այլ բան, որ Հայաստանի մեծությամբ երրորդ քաղաքը փաստացի ղեկավարվում է ոչ ընտրված քաղաքապետի կողմից:

-Գիտե՞ք, այդ ամեն ինչը նախ ապացուցում է, որ այս իշխանությունները ոչ մի կերպ չեն կարողանում մեծությամբ երրորդ քաղաքում ունենալ ոչ գոնե իրեն հարող քաղաքապետ, եւ նրանք ամեն ինչ արեցին, որ այդ քաղաքապետի երդմանակալությունը տեղի չունենա: Եվ հենց դա է պատճառը, որ ավագանու առաջին նիստն անգամ տեղի չունեցավ, որի ժամանակ էլ պետք է քաղաքապետ ընտրվեր: Սա ապացուցում է միայն մի բան, որ այս իշխանություններն իսկապես եկել են բացասական առումով ժողովրդավարության հարցերը լուծելու եւ հայտարարելու ու հաստատելու երկրում բռնապետություն: Ի վերջո, այսօր Մամիկոն Ասլանյանն ինչո՞ւ դեռ քաղաքապետ չի ընտրվել. որովհետեւ նրան կալանավորել են չեղած մի քրեա-

կան գործով, որի ընթացքը վաղուց արդեն դադարել է: Նրանք ունեն 40 վկա, որոնցից ոչ մեկը Մամիկոն Ասլանյանի դեմ որեւէ փաստարկ չի ներկայացրել, եւ այս գործն առկախվել է: Դատելով այս ամենից՝ Մամիկոն Ասլանյանը կամ պետք է ազատ արձակվի՝ ճանաչվելով անմեղ, կամ պետք է դատվի: Երկու պարագայում էլ Մամիկոն Ասլանյանի մանդատը կգա գործածության մեջ նրա ձեռքում կամ այն մեկի, որ կգա նրանից հետո: Արդյունքում կունենանք 17 ընդդիմադիր եւ 16 ոչ ընդդիմադիր մանդատ: Երկու պարագայում էլ կընտրվի ընդդիմադիր դաշտից քաղաքապետ: Չենց սա էլ իրենք չեն կարողանում մարտել: Իսկ ի՞նչ արեցին իրենք Բերդի պարագայում. այնտեղ նույն բանը արեցին. երկարեց, երկարեց, առաջին անձին կալանավորեցին եւ երրորդ ընդդիմադիրը եկավ: Հիմա սա իրենք շատ խիստ է վախեցնում, քանի որ ի վերջո երրորդ քաղաքն է մեծությամբ վանաձորը: Այս ամենին հասնելուն բացասական առումով նպաստել է Էդմոն Մարուքյանը՝ հանձնակատար-դեսպանը: Նա դատի տվեց, եւ առաջին նիստի կայացման ժամկետը հետաձգվեց, բողոքեց,

բողոքեց, եւ նրա ձեռքում ավագանու առաջին նիստը դեռ չի կայացել: Նրանք մտածում են, թե ժամանակավոր պաշտոնակատար նշանակելով՝ հարցը կլուծվի, բայց՝ ոչ: Քաղաքը չունի ղեկավար, եւ այն գործում է նախորդ տարվա ծրագրով. խոսել ժողովրդավարությունից եւ անտեսել վանաձորցիների ընտրությունը բռնապետության հաստատում է:

-Իսկ ի՞նչ վիճակում է վանաձոր քաղաքը: Ի՞նչ կարող եք ասել՝ որպես այնտեղի բնակիչ:

-Կատարվում են այն բոլոր ծրագրերը, որոնք նախորդ ավագանին՝ մինչեւ այս ընտրությունները գործող, ընդունել է եւ աշխատել, այսինքն՝ նույն Մամիկոն Ասլանյանի ղեկավարությամբ ընդունված քաղաքի բյուջեն է ծախսվում, եւ քաղաքի զարգացման ծրագիրն է իրականացվում: Եթե այսօր մաքուր է, նշանակում է՝ այն ժամանակ էլ է մաքուր եղել եւ գործել է: Երկու տարի առաջ վանաձորցիների խնդիրները եւ այսօր կարող էին փոխված լինել, սակայն երկու տարի է արդեն՝ վանաձորցին եւ վանաձորը դոփում են նույն տեղում:

Զրուցեց ՄԵՎԼԱ ՎԱՐՈՒՄՅԱՆԸ

ՎԵՐՋԻՆ ՕՐԵՐԻՆ

ԱՂԱՂԱԿՈՂ ԽԱԽՏՄԱՆ ՋԵՐԹԱԿԱՆ ԳՐՄԵՎՈՐՈՒՄԸ

Աժ մարդու իրավունքների դաժնացումը եւ հանրային հարցերի մեծահասակ հանճարածողովի նախագահ, անկուսակցական Թագուհի Թովմայանը սոցցանցի իր էջում գրում է. «Ադրբեջանցիների կողմից Արցախը Հայաստանին կադող միակ ճանապարհի փակումը հայ ժողովրդի նկատմամբ Ադրբեջանի էթնիկ աստվածային, Արցախի քաղաքական Ադրբեջանի հանցավոր քաղաքականության, Արցախի ժողովրդի հիմնարար իրավունքների ազդակող խախտման հերթական դրսևորումն է: Այս ֆայլով Ադրբեջանը փորձում է ասփճանաբար ընդհատել հայկական երկու հանրապետությունների միջև գործող ենթակառուցվածքը եւ առաջիկայում իրականացնել արցախահայության նոր ցեղատաղանդություն:



Միջազգային գործընկերների ուշադրությունն են հրավիրում Ադրբեջանի այս անօրինական, մարդու հիմնարար՝ կյանքի, առողջության, ազատության եւ մյուս համընդհանուր իրավունքները ոտնահարող վարքագծի վրա: Ադրբեջանցիները, Արցախը սնուցող միակ ճանապարհը փակելով, արգելափակել են բժշկական պարա-

թյունն էի հրավիրել վերջին օրերին Ադրբեջանի հանցավոր գործողությունների վրա, ընդգծել հայ ժողովրդի հիմնարար իրավունքները ոտնահարող Ադրբեջանի նկատմամբ պատժամիջոցներ սահմանելու անհրաժեշտությունը, այլապես միջազգային հանրության անպատժելիության պայմաններում Ադրբեջանը կդիմի նոր հանցագործությունների:

Այս անօրինական գործողությունից 2 օր առաջ միջազգային օդակների ուշադրու-

թյունն էի հրավիրել վերջին օրերին Ադրբեջանի հանցավոր գործողությունների վրա, ընդգծել հայ ժողովրդի հիմնարար իրավունքները ոտնահարող Ադրբեջանի նկատմամբ պատժամիջոցներ սահմանելու անհրաժեշտությունը, այլապես միջազգային հանրության անպատժելիության պայմաններում Ադրբեջանը կդիմի նոր հանցագործությունների:

Միջազգային գործընկերներին ահագանում եմ՝ Արցախը Հայաստանին կապող միակ ճանապարհի փակումը Ադրբեջանի հերթական հանցագործությունների ընդամենը սկիզբն է: Ադրբեջանը առաջիկայում ձգտելու է Արցախում ստեղծել հումանիտար աղետ, որպեսզի կյանքի կոչի իր ցեղասպանական ծրագրերը, զրկի արցախահայությանը իրենց հայրենիքում խաղաղ կյանք վարելու իրավունքից եւ հայթափի Արցախը:

Իսկ թուրքի հետ խաղաղության օրակարգին հավատարիմ, Արցախի հարցում նշանոցը իջեցրած, ԼՂ հիմնահարցի կարգավորման հայկական հայեցակարգի հիմքում անվտանգության երաշխիքներն ու իրավունքները դրած Փաշինյանի իշխանությունը համառորեն լռում է»:



ԱՆՕԳՈՒՏ ԿԱՌՈՒՅՑ

Չնայած ՀՀ կառավարությանը ենթակա Միջուկային անվտանգության կոմիտեն անգամ նախագահ չունի, սակայն մեկ անձից գնումներում բավականին ակտիվ է: Օրինակ՝ «ՎԻՆՈՎԻՆՈ» ՍՊԸ-ի հետ կոմիտեն պայմանագիր է կնքել 184.500 դրամի չափով՝ ներկայացուցչական ծախսերի համար: Պայմանագրից «Ժողովուրդ» օրաթերթը տեղեկացավ, որ կոմիտեն այդ ՍՊԸ-ից 124 հազար 500 դրամ արժողությամբ «Ախթամար» եւ 60 հազար դրամ արժողությամբ «Արարատ» կոնյակներ է գնել: Եվս 80 հազար դրամի պայմանագիր կոմիտեն կնքել է «Կարեն Ռեզյան» ԱԶ-ի հետ՝ ավտոմեքենաների պահպանման ծառայությունների համար: Նույն ՍՊԸ-ի հետ նույն նպատակով կոմիտեն նաեւ 91 հազար դրամ արժողությամբ է պայմանագիր կնքել: Համակարգչային սարքերի պահպանման եւ վերանորոգման համար կոմիտեն միանգամից երկու ՍՊԸ-ից է մեկ անձից գնում կատարել՝ 28 եւ 365 հազար դրամ արժողությամբ պայմանագրեր կնքելով: Իսկ ինչո՞ւ է զբաղվում ՀՀ կառավարությանը ենթակա Միջուկային անվտանգության կոմիտեն: Ինչպես արդեն նշեցինք, այն անգամ նախագահ չունի: Ամեն դեպքում, կառավարության պաշտոնական կայքում այդ տվյալները բացակայում են, եւ նշված է միայն առաջին տեղակալի եւ տեղակալի անունները: Ավելին՝ անգամ կոմիտեի պաշտոնական կայքն է գտնվում անմիաբար վիճակում, եւ որեւէ այլ տեղեկություն կամ կոմիտեի գործունեության մասին տվյալներ ուղղակի անհնար է գտնել: Մինչ այդ նկատենք՝ «Նկարագրություններ» բաժնում նշված է, թե Միջուկային անվտանգության կարգավորման կոմիտեն իրականացնում է ատոմային էներգիայի օգտագործման բնագավառի պետական կարգավորումը բնակչության եւ անձնակազմի անվտանգության ապահովման, շրջակա միջավայրի պաշտպանության եւ ՀՀ անվտանգության պաշտպանության նպատակներով: Այսինքն՝ իրականում կարելի է գործառնություններ են, սակայն կոմիտեն ոչ միայն նախագահ, պաշտոնական կայք չունի, այլեւ անհասկանալի գործունեության համար կասկածելի գնումներ է անում:

ԹԵԺ Է ԱՆՑԵԼ

«Ժողովուրդ» օրաթերթի տեղեկությունների համաձայն՝ այս հանգստյան օրերին դատավորների եւ ԲԴԻ նախագահի հետ հանդիպումն առանց թեժ խոսակցությունների չի անցել:

Մեզ հասած տեղեկությունների համաձայն՝ քաղաքացիական գործերով որոշ դատավորներ ԲԴԻ նախագահին առանձին են կանչել հարց ու պատասխանի ու թեժ զրույց ունեցել: Թե ովքեր են եղել այդ դատավորները, փորձեցինք անձամբ պարզել ԲԴԻ նախագահ Կարեն Անդրեասյանից: Ի պատասխան՝ ԲԴԻ-ից հայտնեցին, թե բամբասանքները չեն մեկնաբանում:

Հիշեցնենք, որ «Ժողովուրդ» օրաթերթը գրել էր՝ այս շաբաթվա վերջին օրերին Հայաստանի դատական համակարգի ներկայացուցիչները էլի կհավաքվեն Դիլիջանում: Գրել էինք, որ ՀՀ բարձրագույն դատական խորհրդի նախագահ Կարեն Անդրեասյանը հանդիպումների շարք է սկսել դատավորների հետ՝ քննարկելու համակարգում առկա խնդիրները:

ԻՐԱՎԻՃԱԿ

ԱՎԱԳԱՆՈՒ ՆԻՍ

ՀԱՄԱՅՆՔԱՊԵՏ ՉԻ ԸՆՏՐԵԼ

ԱԺ ՆՍՏԱՇՐՋԱՆ

Այսօր կմեկնարկի ԱԺ նստադասը...

16 հիմնական նախագծերից 14-ը երկրորդ ընթերցում են անցնելու...

Առաջին եւ երկրորդ ընթերցում կանցնի կառավարության կողմից ներկայացված «Հայաստանի Հանրապետության քաղաքացու անձնագրի մասին» օրենքում փոփոխություններ եւ լրացում կատարելու մասին» օրենքների նախագծերի փաթեթը...

ՄՈՍԿՎԱ ԵՌՕՐՅԱ ԱՅՑՈՎ

ՀՀ գլխավոր դատախազ Աննա Վարդապետյանի գլխավորած պատվիրակությունը եռօրյա այցով Մոսկվա կմեկնի...

Տեղեկացանք, որ այցի նպատակն է խորացնել Հայաստանի Հանրապետության եւ Ռուսաստանի Դաշնության գլխավոր դատախազությունների միջեւ համագործակցությունը...

Գործուղումը, որի հետ կապված ծախսերը ՀՀ պետությունից են կատարվելու, 2022 թվականի դեկտեմբերի 7-10-ը կտեսի:

ՄԻԼԻՈՆԱՆՈՑ ՆԻՍ

Էկոնոմիկայի նախարարությունն ընդամենը մեկ նիստ անցկացնելու համար կառավարությանը ավելի քան 1 միլիոն դրամի հաշվետվություն է ներկայացրել...

Եվ այժմ, ըստ վարապետ Նիկոլ Փաշինյանի որոշման, ներկայացված գումարը պետությունից է դուրս գրվելու:

Վաճառորի ընտրություններից ուղիղ մեկ արի է անցել, բայց առ այսօր ֆաղափ ավագանին նիստ չի արել ու համայնապետ չի ընտրել: Թեև ֆաղափ կառավարության կողմից նախագծված դատախազության կառավարմանն է հանձնվել, բայց, առանց գործող ավագանու, հանրապետության մեծությամբ երրորդ ֆաղափը չի կարող լիարժեք կառավարվել:

Նախ՝ ավագանին պետք է համայնքապետ ընտրի, ապա քաղաքի բյուջեն հաստատի, խոշորացված համայնքերում ներկայացուցիչներ նշանակի եւ այլն: Իշխող «Քաղաքացիական պայմանագիր» խմբակցությունը ավագանու արտահերթ մի քանի նիստեր հրավիրել է, ինչը, սակայն, «Մամիկոն Ասլանյան» դաշինքն ու «Հայրենիք» խմբակցությունը բոյկոտել են՝ պատճառաբանելով, որ նախքան ավագանու արտահերթ նիստ գումարելը պետք է համայնքապետի ընտրության օրակարգով նիստ գումարել ու համայնքը ձեւավորել:

«Հայրենիք» խմբակցության անդամ Վահե Դոխոյանն ArmLur.am-ի հետ զրույցում ավելի վաղ հայտնել էր՝ համայնքը ձեւավորված է համարվում այն ժամանակ, երբ բնակիչը՝ ավագանի, ավագանին համայնքի ղեկավար է ընտրում, ու ընտրված ղեկավարն ավագանու հետ մեկտեղ ձեւավորում է ապատասխանատու կաբինետը, այդ թվում խոշորացված համայնքի բնակավայրերի պատասխանատուներն են նշանակվում, որոնք էլ ներկայացնում են գյուղական կամ համայնքային կարիքները: Ավագանու առաջին նիստը կկայանա միայն այն դեպքում, երբ դատարանը հանի նիստ գումարելու արգելքը:

Նշենք, որ Վաճառորի ավագանու ընտրություններին մասնակցած ու անցողիկ շեմը չհատած «Լուսավոր Հայաստան» կուսակցությունը դատարանում բողոքարկել է ընտրության արդյունքները, ինչից հետո է վարչական դատարանն արգելանք կիրառել: Ու թեև վարչական ու վե-



րաքննիչ դատարանները հայցը մերժել էին, ԼՀԿ-ի բողոքն այժմ Վճռաբեկում է:

Վաճառորի ավագանու ընտրություններում ձայների մեծամասնությունը ստացած «Մամիկոն Ասլանյան» դաշինքը գլխավորող Մամիկոն Ասլանյանն այժմ անազատության մեջ է: Նա մեղադրվում է պաշտոնեական դիրքը չարաշահելու համար, քրեական գործն այժմ Հակակոռուպցիոն դատարանում է քննվում: Ինչն իրեն Ասլանյանը քաղաքական բանտարկյալ է համարում: Ինչ վերաբերում է քաղաքը ղեկավարող պաշտոնակատար Արկադի Փելեշյանին, ապա նրա հետ կապված տարաբնույթ շատ պատմություններ կան:

Վարչապետ Փաշինյանին պատկանող «Հայկական ժամանակ» օրաթերթը տարիներ առաջ ամենատարբեր բնորոշումներ է տվել նրան, այսօր փատացի, Փաշինյանի հրամանով, նա քաղաք է ղեկավարում: Ի՞նչ է ստացվում. Վաճառորի ՏԻՄ ընտրություններից ուղիղ մեկ տարի անց ՀՀ երրորդ քաղաքն ավագանու կողմից ընտրված համայնքապետ չունի, քանի որ, ըստ երեւոյթին, քաղաքական իշխանությունը չի հաշտվում ընտրության արդյունքների հետ ու ջանում է անել հնարավորը՝ այստեղ նույնպես իշխանություն վերցնելու համար:

ՍԵՎԱԿ ՎԱՐԴՊԵՏՅԱՆ

ՕՐՎԱ ԽՃԱՆԿԱՐ

ՀԱՄԱՏԵՂ ԶՈՐԱՎԱՐԺՈՒԹՅՈՒՆ

Ադրբեջանի զինված ուժերի հատուկ նշանակության ստորաբաժանումները վարժանքներ են սկսել երկրի հարավային սահմանների մոտ: Զորավարժություններն անցկացվում են՝ 2022 թվականի մարտական պատրաստության պլանի համաձայն. դրանք ղեկավարում է հատուկ նշանակության ուժերի հրամանատար, գեներալ-լեյտենանտ Հիքմեթ Միրզաբեյլի:

Ադրբեջանական ՋԼՄ-ները գրում են, որ զորավարժությունների հետագա փուլերում հատուկ նշանակության ստորաբաժանումները կկատարեն մի շարք առաջադրանքներ՝ համագործակցելով իրենց աջակցող ռազմաօդային ուժերի եւ իրթինային եւ իրետանային զորքերի ստորաբաժանումների հետ: Զորավարժությունները, որոնք անցկացվում են տարբեր տիպի զորքերի անձնակազմի, ռազմական եւ հատուկ ինժեներա-սակրավորային տեխնիկայի, ինչպես նաեւ ադրբեջանական բանակի եւ թուրքիայի զինված ուժերի ռազմական ավիացիայի ներգրավմամբ, ընդգրկում են Բաքու քաղաքի, Աստարայի, օկուպացված Ջրականի (Ջաբրայիլ) եւ Իմիշլիի շրջանների տարածքները:

Հիշեցնենք, որ հոկտեմբերի վերջին Իսլամական հեղափոխության պահապան-

ների կորպուսը լայնածավալ զորավարժություններ է անցկացրել Ադրբեջանի հետ սահմանին:

ՆԱԽԱԳԻԾՆ ԸՆԳՈՒՆԵԼ ՉԻ ՀԱՋՈՂՎԵԼ

Անիրաժեշտ է ստորագրել ՀԱՊԿ Հավաքական անվտանգության խորհրդի որոշման նախագիծ՝ Հայաստանին օգնություն տրամադրելու միջոցառումների մասին: Այս մասին երկուշաբթի օրը Մոսկվայում ՀԱՊԿ խորհրդարանական վեհաժողովի նիստում հայտարարել է գլխավոր քարտուղար Ստանիսլավ Զասը:

Զասը հիշեցրել է, որ պետությունների ղեկավարների հանձնարարությամբ Հայաստանում մշակվել է դիտորդական առաքելություն՝ գլխավոր քարտուղարի եւ ՀԱՊԿ օպերատիվ շտաբի ղեկավարի գլխավորությամբ:

Այս աշխատանքի արդյունքներով պատրաստվել է Հայաստանին օգնություն տրամադրելու համատեղ միջոցառումների մասին Հավաքական անվտանգության խորհրդի որոշման նախագիծ, որը քննարկվել է խորհրդի նոյեմբերի 23-ի նիստում. «ՀԱՊԿ պետությունների

տարբեր դիրքորոշումների պատճառով այս նախագիծն ընդունել չի հաջողվել: Հուսով եմ, որ որոշակի վերանայումից հետո կհասնենք այս որոշման նախագծի ստորագրմանը եւ այդ միջոցների ընդունմանը: Վստահ եմ, որ դա պետք է, այդ թվում՝ Հայաստանին»:

ԱՄՓՈՓՈՒՄ

ՀՀ-ում ԱՄՆ դեսպանատունը, ամփոփելով Կովկասյան բանակցությունների հարցերով ավագ խորհրդական, դեսպան Ֆիլիպ Ռիքերի այցը տարածաշրջան, հիշեցնում է, որ Ռիքերը հանդիպել է ՀՀ վարչապետ Նիկոլ Փաշինյանին, ՀՀ արտաքին գործերի նախարար Արարատ Միրզոյանին, ՀՀ անվտանգության խորհրդի քարտուղար Արմեն Գրիգորյանին:

Քննարկվել են տարածաշրջանի հիմնահարցերը եւ ԱՄՆ աջակցությունը չկարգավորված խնդիրների կառուցողական լուծման նպատակով Հայաստանի եւ Ադրբեջանի ուղիղ ներգրավման հարցում:

Դեսպան Ռիքերն ընդգծել է, որ Միացյալ Նահանգներն հանձնառու է անվտանգ, կայուն, ժողովրդավար, բարեկեցիկ ու խաղաղ ապագայի խթանմանը Հարավային Կովկասում:

ՔՐԵԱԿԱՆ ԳՈՐԾ

ՀԵՏԱՊՆԻՒՄ ԳԱՄՊԱՐՅԱՆԻ ԿՆՈՋ ԿԿԱՏՄԱՄԲ

Ոստիկանության նախկին ղեկավար Գաադարյանի կինը Մ.Գ.-ն (Մ.Ս.), միջոցներ սրամադրելով և խոչընդոտելով վերացնելով, օժանդակել է դաշնամասար անձ, իր հետ ամուսնական հարաբերությունների մեջ գտնվող Վ.Գ.-ին, որը, դաշնամասար կան դիրքն օգտագործելով, 2000-2010 թվականների ընթացքում վասնման եղանակով հապեցակել է իրեն վստահված առանձնապես խոշոր շափերով գույք:



Մասնավորապես, Ս.Գ.-ն 2000 թվականի մայիսի 11-ից մինչև 2008 թվականի հուլիսի 24-ը զբաղեցրել է ՊՆ ռազմական ոստիկանության վարչության գործառնական ինքնակազմ լքած զինծառայողների և դասալիքների դեմ պայքարի բաժնի վերլուծության խմբի պետի, 2008 թվականի հուլիսի 24-ից մինչև 2010 թվականի հուլիսի 1-ը՝ նույն բաժնի ավագ սպայի, 2010 թվականի հուլիսի 1-ից մինչև 2011 թվականի նոյեմբերի 24-ն ընկած ժամանակահատվածում գործառնական ինքնակազմ լքած զինծառայողների և դասալիքության դեմ պայքարի բաժնի ղեկավարի ավագ սպայի պաշտոնները, այնուհետև տեղափոխվել է ոստիկանության կադրերի վարչության տրամադրության տակ: Վ.Գ.-ն, տեղյակ լինելով, որ իր հետ ամուսնական հարաբերությունների մեջ գտնվող Ս.Գ.-ն ավելի քան տասնմեկ տարի՝ 2000 թվականի մայիսից մինչև 2011 թվականի նոյեմբեր ամիսն ընկած ժամանակահատվածում ծառայության չի ներկայացրել և պաշտոնից բխող ծառայողական պարտականությունները երբեք չի կատարել, ոչ միայն չի ձեռնարկել կանխարգելիչ միջոցառումներ, այլև 2000-2010 թվականների ընթացքում ստորագրել է Պաշտպանության նախարարության ռազմական ոստիկանության տարեկան ծախսերի նախահաշվի նախագծերը, Ֆինանսների նախարարության գանձապետարան ուղարկվող կամ գանձապետարան ծրագիր մուտքագրվող փոխանցագրերը, որոնցում ընդգրկված են եղել նաև Ս.Գ.-ի տվյալները: Արդյունքում հիշյալ ժամանակահատվածում Ս.Գ.-ին որպես աշխատավարձ և դրամական այլ բավարարումներ փաստացի վճարվել է առանձնապես խոշոր չափերի՝ ընդհանուր 17 մլն 275 հազար 721 դրամ: Մեկ այլ դեպքով Ս.Գ.-ն, 2011 թվականի դեկտեմբերի 1-

ից մինչև 2018 թվականի մայիսի 11-ը հանդիսանալով ոստիկանության պետի աշխատակազմի ոստիկանության պետի ավագ ռեֆերենտ, պաշտոնին նշանակվելուց ի վեր պարբերաբար ծառայության չի ներկայացրել և ոչ պատշաճ է կատարել իր ծառայողական պարտականությունները, ավելին՝ առանց վերադասին ուղղված իրեն արձակուրդ տալու մասին զեկուցագրերի և դրանց հիման վրա արձակուրդ տրամադրելու վերաբերյալ հրամանների, մի շարք դեպքերում տարբեր տեղություններով բացակայել է Հայաստանի Հանրապետությունից, որով պայմանավորված չի ներկայացրել ծառայության: Այս պայմաններում, 2011 թվականի դեկտեմբերի 30-ի և 2016 թվականի դեկտեմբերի 30-ի հրամաններով, նրան շնորհվել են «փոխգնդապետ», ապա՝ «գնդապետ» հատուկ կոչումները, ապա նաև նրա անվամբ փոխանցվել է 19 մլն 422 հազար 319 դրամ գումար: Իր հերթին Վ.Գ.-ն, լավատեղյակ լինելով կնոջ՝ Ս.Գ.-ի կողմից 2011 թվականի դեկտեմբերի 1-ից մինչև 2018 թվականի մայիսի 10-ն ընկած ժամանակահատվածում պարբերաբար ծառայության չներկայանալու և ծառայողական պարտականություններն անհարգելի պատճառով ոչ պատշաճ կատարելու մասին, կնոջը կարգապահական խախտման համար կարգապահական տույժի չենթարկելու, այդ թվում՝ ոստիկանությունից չազատելու անձնական շա-

հագործվածությունից ելնելով, իր պաշտոնական դիրքը դիտավորյալ օգտագործել է ծառայության շահերին հակառակ, ժամանակին չի հայտնաբերել ենթակայի՝ Ս.Գ.-ի կատարած կարգապահական խախտումների պատճառները, չի ձեռնարկել կանխարգելիչ միջոցառումներ, ավելին՝ վերջինիս կողմից պարբերաբար ծառայության չներկայանալու և ծառայողական պարտականություններն անհարգելի պատճառով ոչ պատշաճ կատարելու պայմաններում 2011 թվականի դեկտեմբերի 30-ի և 2016 թվականի դեկտեմբերի 30-ի հրամաններով նրան շնորհել է «փոխգնդապետ», ապա՝ «գնդապետ» հատուկ կոչումները, ինչպես նաև նրա անվամբ փոխանցել է 19 մլն 422 հազար 319 դրամ գումար: Այսպիսով, Ս.Գ.-ն Վ.Գ.-ի հետ խմբի կազմում, անձնական այլ շահագործվածությունից ելնելով, չարաշահել է պաշտոնական դիրքը, որն անզուգույնությամբ առաջացրել է ծանր հետևանքներ: Վերը նշված հանցանքները կատարելու համար 2022 թվականի դեկտեմբերի 3-ին որոշում է կայացվել Ս.Գ.-ի նկատմամբ արարքի կատարման պահին գործող ՀՀ քրեական օրենսգրքի 308-րդ հոդվածի 2-րդ մասով և 38-179-րդ հոդվածի 3-րդ մասի 1-ին կետով հանրային քրեական հետապնդում հարուցելու մասին: Մեղադրանք ներկայացնելու և խափանման միջոց ընտրելու համար որոշումն ուղարկվել է Հակակոռուպցիոն կոմիտե:

ԼՈՒՐԵՐ

ԿԱ ԱՐԳԵԼԱՓԱԿՎԱԾ ՔԱՂԱՔԱՅԻ

Դեկտեմբերի 4-ին՝ ժամը 18:54-ին, Վայոց ձորի մարզային ճգնաժամային կառավարման կենտրոն ահազանգ է ստացվել, որ Վայք-Եղեգնաձոր ավտոճանապարհին տեղի է ունեցել ճՏՊ, բախվել են ավտոմեքենաներ, կա արգելափակված քաղաքացի. այս մասին հայտնում են ՀՀ ԱԻՆ-ից: Պարզվել է, որ Երեան-Մեղրի ավտոճանապարհի 124-րդ կմ-ին բախվել են «Opel» (վարորդ՝ Յ. Բ., ծնված 1958 թ.) և «VAZ-2105» (վարորդ՝ Ա. Ա., ծնված 1974 թ.) մակնիշների ավտոմեքենաները: Մինչ փրկարարների կանչի վայր հասնելը «Opel» մակնիշի ավտոմեքենայի վարորդը հոսպիտալացվել է Եղեգնաձոր քաղաքի ԲԿ, որտեղ բժիշկները վերջինիս առողջական վիճակը գնահատել են միջին ծանրության. ստանալով համապատասխան բուժօգնություն՝ տեղափոխվել է «Էրեբունի» ԲԿ:

ՄԵՂԱԳՐԱՆՔ

Իրավապահները մեկը մյուսի հետևից մեղադրանք են առաջադրում սեպտեմբերի 13-ին և 14-ին տեղի ունեցած պատերազմի դեպքերում: Նկատում ենք, որ իրավապահները հիմնականում մեղադրանք են առաջադրում Ջերմուկում ծառայություն իրականացրած հրամանատարներին, որոնք հրաժարվել են կոնկրետ գործողություն իրականացնել: Այսպիսով, ArmLur.am-ին հայտնի դարձավ, որ Գուրգեն Սահակյանին մեղադրանք է առաջադրվել, որ նա, լինելով ՀՀ ՊՆ Ն զորամասի ինժեներասակրավորային գումարտակի պայթուցիկ սարքերի վասազերծման վաշտի պայթուցիկ սարքերի վասազերծման դասակի 1-ին պայթուցիկ սարքերի վասազերծման ջոկի հրամանատար-օպերատոր, պայմանագրային զինծառայող, կոչումով կրտսեր սերժանտ, 2022 թվականի սեպտեմբերի 13-ին՝ ժամը 00:05-ից Աղբյուրայի Հանրապետության ռազմաքաղաքական դեկավարության կողմից նախաձեռնված և իրականացված ագրեսիայի ընթացքում, 2022 թվականի սեպտեմբերի 15-ին, ստորաբաժանման կազմում ժամանելով Վայոց ձորի մարզի Ջերմուկ քաղաք և վերադաս հրամանատարության կողմից առաջադրված խնդիրների շրջանակում պարտավոր լինելով ստորաբաժանման կազմում ընդգրկվել մարտական հերթապահության ՀՀ ՊՆ Ն զորամասի պահպանության տեղամասում, ստորաբաժանման կողմից առաջադրված խնդիր կատարմանը ձեռնամուխ լինելու ընթացքում, տեղեկանալով առաջադրանքի բովանդակության մասին, ի սկզբանե, դիտավորյալ, բացահայտ հրաժարվել է այդ զինվորական ծառայության առանձին պարտականությունը կատարելուց. վերադաս հրամանատարությանը հայտնել է, որ Ջերմուկ քաղաքից չի մեկնի մարտական հերթապահության տեղամաս և չի ստանձնի ստորաբաժանման առջե դրված մարտական առաջադրանքով պայմանավորված պարտավորությունները, որը զուգորդվել է դրանց փաստացի կատարմամբ: Գ. Սահակյանը մինչև 2022 թվականի սեպտեմբերի 19-ը՝ ժամը 11:20-ը, գտնվել է Ջերմուկ քաղաքում ստորաբաժանման ժամանակավոր տեղակայման վայրում, ստորաբաժանման անձնակազմի հետ չի գնացել պահպանության տեղամաս, տվյալ տեղանքում չի իրականացրել մարտական հերթապահություն: **ՔՆԱՐ ՄԱՆՈՒԿՅԱՆ**

ԼՈՒՐԵՐ

ՀԱՆԳԱՄԱՆՔՆԵՐԸ ՊԱՐԶՎՈՒՄ ԵՆ

ՀՀ քննչական կոմիտեի Արագածոտնի մարզային քննչական վարչությունում ՀՀ քրեական օրենսգրքի 342-րդ հոդվածի 3-րդ մասով նախաձեռնվել է քրեական վարույթ, որի շրջանակներում իրականացվում են քննչական և վարույթային գործողություններ՝ Երեան-Գյումրի ավտոճանապարհին տեղի ունեցած ճանապարհատրանսպորտային պատահարի հանգամանքները պարզելու ուղղությամբ: Նախնական տվյալներով՝ 2022 թվականի դեկտեմբերի 4-ին՝ ժամը 23:20-ի սահմաններում, Կարբի գյուղի 33-ամյա բնակիչը, վարելով «Վազ 2106» մակնիշի ավտոմեքենան, Երեան-Գյումրի ավտոճանապարհի 23-րդ կիլոմետրին դուրս է եկել ճանապարհի երթելու մասից և բախվել ճամփեզրի արգելապատնեշներին, որի հետևանքով վերջինս և նրա 22 և 3-ամյա ուղեւորները տեղում մահացել են: Նախաքննությունը շարունակվում է, քրե-

ական վարույթով նշանակվել են դատաբժշկական փորձաքննություններ:

ԳՈՂՈՆԸ ՀԱՅՏՆԱԲԵՐՎԵԼ Է

Դեկտեմբերի 2-ին ոստիկանության Կապանի բաժնում հաղորդում տված քաղաքացին հայտնել էր, որ նոյեմբերի 30-ի ժամը 07.00-ից ժամը 17.00-ն ընկած ժամանակահատվածում ապօրինի մուտք են գործել Երկաթուղայինների 5-րդ կայանից իր տուն և գողացել ոսկյա մատանիներ ու պահածո: Ոստիկանությունից հայտնում են, որ Կապանի ոստիկանների ձեռնարկած օպերատիվ-հետախուզական միջոցառումների արդյունքում պարզվել է, որ գողությունն արել է տուժողի հարեանի 19-ամյա որդին: 19-ամյա երիտասարդը ձերբակալվել, տեղափոխվել է բաժին, որտեղ խոստովանել է, որ հարեանի տնից ինքն է գողու-

թյուն արել: Գողոնը հայտնաբերվել է: Կազմված փաստաթղթերն ուղարկվել են Սյունիքի մարզի քննչական վարչություն:

ԽԱԽՏԵԼ ԵՆ ՀԱՄԱՐԱԿԱԿԱՆ ԿԱՐԳԸ

Դեկտեմբերի 4-ին՝ ժամը 00:25-ին, ոստիկանության պարեկային ծառայության գնդի 3-րդ գումարտակի 1-ին վաշտի ծառայողները մայրաքաղաքի Պարոնյան փողոցում հայտնաբերել, խուլիգանություն կատարելու հիմնավոր կասկածանքով ձերբակալել և Կենտրոնական բաժնի են տեղափոխել յոթ երիտասարդների: Նրանք, բացահայտ անհարգալից վերաբերմունք դրսևորելով հասարակության նկատմամբ և խախտելով հասարակական կարգը, վիճաբանում և հարվածներ էին հասցնում իրար: Նախապատրաստված կյուբերը փոխանցվել են քննչական բաժին:

● Ըստ ոստիկանության տվյալների՝ դեկտեմբերի 2-ից 5-ը Հայաստանի Հանրապետությունում բացահայտել են հանցագործության 135 դեպք, որոնցից 8-ը՝ նախկինում կատարված:

ՀԱՍԱՐԱԿՈՒԹՅՈՒՆ

ՍԱՐԶ

ՓԱԿՎԵԼՈՒ ՎՏԱՆԳԻ ՏԱԿ

«Իրական դպրոց» կրթամշակութային հիմնադրամը հիմնադրվել է 2016 թ-ին...

«ՋԻԵԼ ԵՆ» ԱՎՏՈՎԹԱՐԻ ԳՈՐԾԸ

Վարչապետ Նիկոլ Փաշինյանի դասընկեր, կրթական մեթոդիկ Եսայի Բաբայանը...

ՆՍՎՆ ՍՍՐԳՅԱՆ ՏԱՎՈՒՅ

ԱՍՓՈՓ ՏՎՅԱԼՆԵՐ

ՄԱԴՐԱՆՔԻ ԵՐԿՈՒ ԴԵՊՔ

2022 թվականի նոյեմբերի 28-ից դեկտեմբերի 5-ն ընկած ժամանակահատվածում...



Ստացված հաղորդումներից 30-ը հանցագործության մասին է, դրանք բոլորը բացահայտվել են...

Դիտավորությամբ առողջությանը վնաս պատճառելու վերաբերյալ գրանցվել է 3 դեպք...

Մեկ շաբաթվա ընթացքում բացահայտվել է նախկինում կատարված 1 հանցագործություն:

Քրեական հետախուզության վարչության և տարածքային ստորաբաժանումների ծառայողների համատեղ իրականացված օպերատիվ հետախուզական միջոցառումների արդյունքում...

Շաբաթվա ընթացքում Արդրեջանի կողմից Արցախի քաղաքացիական բնակչության դեմ ուղղված սադրանքի 2 դեպք է գրանցվել...

Դեկտեմբերի 3-ին Շուշի-Քարին տակ խաչմերուկի հատվածում քաղաքացիական հազուստներով մի խումբ ադրբեջանցիներ բնապահական պատճառաբանությամբ...

ցախի լիազոր պետական մարմինները ձեռնարկել են բոլոր հնարավոր միջոցները...

Դեկտեմբերի 4-ին ադրբեջանցիները սադրանքի են դիմել Մատաղիս-Քարվաճառ երթուղու Գետավան համայնքի տարածքում...

Շարայուն տեխնիկական նպատակներով կանգնել է Գետավանի տարածքում, որտեղ քաղաքացիական հազուստով 4 ադրբեջանցի իջել են մարդատար ավտոմեքենայից...

Ճանապարհային ոստիկանության օպերատիվ կառավարման կենտրոնում գրանցված հաղորդումների տվյալներով...

Պատահարներից 24-ը կուրսական վնասով է, 6-ը՝ մարմնական: Տրանսպորտային պատահարներից բուժհաստատություն է դիմել 6 քաղաքացի:

Ճանապարհապարտկային ծառայողների կողմից բացահայտվել է առանց վարորդական վկայականի տրանսպորտային միջոց շահագործելու 13 դեպք, 17 վարորդ եղել է անսթափ վիճակում...

Հանցագործությունների բացահայտման և դրանց կանխարգելման նպատակով ոստիկանությունը 24 ժամ շարունակ ծառայություն է իրականացնում Արցախի ողջ տարածքում...

ԿԵՆՍԱԹՈՇՆԱԿՆԵՐ ՈՒ ՆՊԱՍՏՆԵՐ

ՎՃԱՐՄԱՆ ՆՈՐ ԸՆԹԱՑԱԿԱՐԳ՝ ՀՈՒՆՎԱՐԻ 1-ԻՑ

2023 թ. փետրվարի 1-ից 1000 և ավելի բնակիչ ունեցող համայնքներում մոտ 60 հազար կողմնակալներ կվճարվեն...

Արդեն հաստատված է նշանակված վճարվող ընտանեկան նպաստների դեպքում պարտադիր անկանխիկին անցման մեխանիզմը...

կանխիկ վճարման ժամանակացուցային նույն ընթացակարգը:

Հաջորդ փոփոխությունները վերաբերում են կենսաթոշակների վճարմանը: Գործող կարգավորումներով անկանխիկ վճարման երկու տարբերակ է գործում...

Հանձնաժողովի նախագահ Յերիքնազ Տիգրանյանի հստակեցնող հարցին ի պատասխան փոխնախարարը պարզաբանել է, որ մինչև 2023 թ. փետրվարի 1-ը նշա-

նակված բոլոր դիմումներն ու նպաստները կտրվեն անկանխիկ կամ կանխիկ եղանակով՝ ըստ նպաստառուի ցանկության...

Աժ աշխատանքի և սոցիալական հարցերի մշտական հանձնաժողովի դեկտեմբերի 5-ի արտահերթ նիստում երկրորդ ընթերցմամբ քննարկվել են «Պետական նպաստների մասին» և «Պետական կենսաթոշակների մասին» օրենքներում...

Օրենսդրական փաթեթն արժանացել է հանձնաժողովի հավանությանը:

● Անցած 3 օրվա ընթացքում Հայաստանի Հանրապետությունում արձանագրվել է 54 ճՏՊ. 7 մարդ զոհվել է, 71-ը՝ ստացել տարբեր աստիճանի մարմնական վնասվածքներ:

ՍՈՑԻԱԼԱԿԱՆ

«Ակբա» բանկ

ԾԱՌԱՏՈՒՆԷ



Ճանապարհի դժվարությունները դառնում են անսկատ, երբ թիմակիցը կողքիդ է: Ակբայականները, միմյանց թե-թիկունք, ձեռք ձեռքի, բարձրացել են Լոռու մարզի Ջրաշեն գյուղի բարձունքները ծառատունկ իրականացնելու նպատակով:

Ջրաշենում «Ակբա» բանկի թիմը տնկել է վայրի խնձորենիներ ու սոճիներ ավելի լավ շրջակա միջավայր եւ ավելի մեծ անտառային ծածկույթ ունենալու ցանկությամբ:

Անտառների վերականգնման աշխատանքը, բնության հետ կապի ստեղծումը եւ կենսաբազմազանության պահպանությունը միավորել է «Իմ անտառ Հայաստան» կազմակերպության ու «Ակբա» բանկին:

Անտառվերականգնման նպատակով ստեղծված «Իմ անտառ Հայաստան» կազմակերպության տնկարաններում սերմերից աճեցվում է 15 տեսակի ծառ՝ կարնի, թխկի, սոճի, կեչի, վայրի խնձորենի, տանձենի...

«Մեր կարելու արժեքներից մեկը փոխօգնությունն է, ու այստեղ հասնելն էլ փոխօգնության սկզբունքով էր: Միմյանց օգնելով՝ կարողացանք հարթահարել այս դժվար ճանապարհը: Փոխօգնությունը բանկի հիմնարար արժեքներից մեկն է, որն այսօր եւս արտացոլվեց», - նշում է «Ակբա» բանկի տաղանդների ներգրավման թիմ լիդեր Անի Պողոսյանը:

«Տնկում ենք վայրի խնձորենիներ, սոճիներ: Անտառներն են երկրի թոքերը, ու որքան շատ լինեն անտառներն ու կանաչ տարածքները, այնքան ավելի առողջ կլինի մեր մթնոլորտը», - նշում է «Ակբա» բանկի մանրածախ բիզնեսի պրոդուկտների կառավարման թիմ լիդեր Մարիաննա Յովհաննիսյանը:

«Մենք ուզում ենք անտառ ստեղծել: Տնկելուց հետո պետք է այն խնամել, եւ շատ ուրախ ենք, որ ընկերությունները, ինչպես «Ակբա» բանկն է, օգնում են անտառների մեծացման հարցում: Այժմ «Ակբա» բանկը միացել է մեզ, որ միասին անտառ ստեղծենք», - նշում է «Իմ անտառ Հայաստան» կազմակերպության հիմնադիր եւ տնօրեն Անտոն Գումուշեանը:

Տարիներ անց Լոռու մարզի Ջրաշեն գյուղի բարձունքներում կլինի սահարթախիտ անտառ, որտեղ ակբայականներից յուրաքանչյուրն իր տնկած ծառը կունենա:

Բանկը վերահսկվում է ՀՀ ԿԲ կողմից:

ՄՇԱԿՈՒԹԱՅԻՆ ԺԱՌԱՆԳՈՒԹՅՈՒՆ

ԶԱՄԱՆՎՈՐՈՒՄ ԸՆԿՐՈՒՄ ԵՎ ԱՐՑԱԽԻՆ

Զայցբուրգի Փարիզ-Լոռու (Ավստրիա) համալսարանի Քրիստոնյա արեւելի հետազոտությունների կենտրոնը, որը 2013 թվականից հայագիտության հետազոտությունների նպատակով ֆինանսավորում է նաեւ ՀՀ կրթության, գիտության, մշակույթի եւ սպորտի նախարարությունը, հայագետ Յասմին Գում-Ռազուսի ղեկավարությամբ Արցախի հոգեւոր-մշակութային ժառանգությանը նվիրված դամաւոնահային առաջին մրցույթի արձանագրում հետազոտական հինգ դամաւոնահայ է սրամարդել երիտասարդ գիտնականներին: Դամաւոնահային ծրագիրը ֆինանսավորում է Զայցբուրգի արեւելագիտության կենտրոնը:



Կարճատև դամաւոնահային այս ծրագիրը նպատակ ունի խթանել Արցախի (քրիստոնեական) պատմության, մշակույթի, հնագիտության, արվեստի, ինչպես նաեւ պատմամշակութային հուշարձանների վերաբերյալ երիտասարդ գիտնականների հետազոտությունները, նպաստել հայկական մշակութային ժառանգության ուսումնասիրությանը:

Խրախուսված հինգ հետազոտություններն էլ Հայաստանից են, որոնք ներկայացնում են գիտահետազոտական տարբեր հաստատություններ, ինչպես նաեւ Մայր Աթոռ Սուրբ Էջմիածինը: Դրանք են՝

-Նժդեհ Երանյան, Հայաստանի պատմության թանգարան, փոխտնօրեն, ՀՀ ԳԱԱ Հնագիտության եւ ազգագրության ինստիտուտ, գիտաշխատող, «Արցախի մ.թ.ա. 3-1 ին հազարամյակի սկզբի մշակույթը՝ ըստ թանգարանային նյութերի»,

-Հայր Աթոռ Սուրբ Էջմիածին, Ռոմի պապական արեւելյան ինստիտուտ, մագիստրանտ, «Քրիստոնեական ընկալումներն արցախահայ բանահյուսության մեջ»,

-Շողակաթ Դերիկյան, ՀՀ ԳԱԱ Արվեստի ինստիտուտ, ասպիրանտ, «Հայկական մանրանկարչության ընդհանուր օրինա-

չափությունները եւ տեղային յուրահատկությունները՝ Արցախում նկարագրված Ավետարանների Տերունական պատկերներում»,

-Օվաննա Խաչատրյան, Երեւանի Մեսրոպ Մաշտոցի անվան Մատենադարան, գիտաշխատող, «Արցախում գրված ձեռագրերի հիշատակարանները՝ որպես պատմամշակութային կարելու սկզբնաղբյուր»,

-Սյուրբ Արցախ, Հայոց Տեղասպանության թանգարան-ինստիտուտ, աշխատակից, լեզվաբան, «Արցախի բարբառը Զմյուռնիայում. հանրալեզվաբանական քննություն»:

Հետազոտական նախագծերն իրականացվելու են Զայցբուրգի համալսարանի

հայագիտության բաժնի հետ սերտ համագործակցությամբ եւ փորձագիտական ու գիտական խորհրդատվությամբ: Արդյունքները գիտական գեկուցումների ու հոդվածների տեսքով ամփոփվելու են հաջորդ տարեկան համալսարանում: Զայցբուրգի համալսարանի հայագիտության բաժինը նպատակ ունի աջակցել երիտասարդ հետազոտողներին ու նրանց ստեղծարար գիտական նախագծերը, խրախուսել հայագիտական, ինչպես եւ մշակութային ժառանգության ամրապնդումը հետազոտությունների միջառարկայնացումն ու միջազգայնացումը, նպաստել Արցախի վտանգված մշակութային ժառանգության պահպանությանը:

ՀԱՅՏԱՐԱՐՈՒԹՅՈՒՆՆԵՐ

«ԱՄԵՐԻԱԲԱՆԵԿ»-Ի ԳԻՆԱՄԻԿ ԱՃԸ

«Ամերիաբանկ»-ն արժանացել է Հայաստանի 2022թ. «Տարվա բանկ» մրցանակին Financial Times (FT) ընկերության համաշխարհային առաջատար ֆինանսական լրատվամիջոցի՝ TheBanker ամսագրի կողմից: «Տարվա բանկ» մրցանակաբաշխության հաղթողները հայտնի են դարձել դեկտեմբերի 1-ին Լոնդոնում կայացած հանդիսավոր արարողության ժամանակ: Հեղինակավոր մրցանակը շնորհվում է լավագույն ֆինանսական արդյունքներ ցուցաբերած եւ նորարարական բանկային լուծումներ առաջարկող ֆինանսական հաստատություններին ավելի քան 100 երկրում:

Որոշում կայացնելիս The Banker-ի հաղթողներին գնահատող միջազգային հանձնաժողովը հաշվի է առել «Ամերիաբանկ»-ի դինամիկ աճը, հիմնական ֆինանսական ցուցանիշներով վերջին տարիներին բանկի առաջատար դիրքերը շուկայում, շահութաբերության աճը, բանկին մրցակցային առավելություն ապահովող ռազմավարական նախաձեռնությունները, սպասարկման որակը: Փորձագետները կարելու են նաեւ բանկի հաջողու-

թյունները թվային փոխակերպման ճանապարհին, «կանաչ» պրոտֆելը եւ Հայաստանում կլիմայի փոփոխության դեմ պայքարին եւ բնապահպանական խնդիրների լուծմանն ուղղված ջանքերը:

«Ամերիաբանկ»-ի տնօրինության նախագահ-գլխավոր տնօրեն Արտակ Հանեսյանը նշեց. «Մենք հպարտ ենք, որ ստացել ենք «Տարվա բանկ» հեղինակավոր մրցանակը՝ համալրելով 2022թ. մեր ձեռքբերումների եւ մրցանակների տպավորիչ ցանկը: Մեր կորպորատիվ կառավարման ամուր համակարգը, փոփոխություններին արձագանքելու մշակույթը եւ թվային փոխակերպումն առանցքային նշանակություն են ունեցել շուկայի անհանգիստ իրավիճակը հաջողությամբ հաղթահարելու եւ թվային սերնդի հաճախորդների աճող կարիքները բավարարելու համար: Մենք կշարունակենք ներդրումներ կատարել թվային փոխակերպման եւ մարդկային կապիտալի մեջ մեր գործառնական արդյունավետությունը բարձրացնելու եւ նորարարական լուծումներով հանդես գալու նպատակով, որպեսզի դառնանք ֆինանսական եւ տեխնոլոգիական վստահելի միջավայր՝ առաջարկելով կյանքի որակը բարելավելու ամբողջական լուծումներ»: «Ամերիաբանկ»-ն

արժանանում է «Տարվա բանկ» մրցանակին արդեն ութերորդ անգամ:

«ԱԿԲԱ ԼԻԶԻՆԳ»

Բիզնեսի վերազինման նպատակով «Ակբա Լիզինգ» մինչեւ 31.12.22թ. առաջարկում է լիզինգով ձեռք բերել ագրոպարենային ոլորտի անհրաժեշտ սարքավորումները պետական աջակցության ծրագրով՝ սկսած 0.63% փաստացի տոկոսադրույքից:

Լիզինգի տրամադրման պայմաններն են՝ արժույթ՝ ՀՀ դրամ, ԱՄՆ դոլար, եվրո: Տարեկան փաստացի տոկոսադրույքը ՀՀ դրամի դեպքում ՀՀ կառավարության սուբսիդավորումից հետո կկազմի 2.35-6.95%, արտարժույթի դեպքում՝ 0.63-6.82%:

Լիզինգը տրամադրվում է առանց տրամադրման միջնորդավճարի: Կանխավճարը 20% է (գույքի արժեքից), մարման ժամկետը՝ մինչեւ 60 ամիս:

Ծրագրի շրջանակում նույն լիզինգառույթի կողմից ձեռք բերվող լիզինգի առարկաների ընդհանուր գումարը չպետք է գերազանցի 1 մլրդ ՀՀ դրամը:

Ապահովագրության ծախսերը հոգում է «Ակբա Լիզինգ»:

«Ողովուրդ» օրաթերթում եւ Armlur.am կայքում գովազդ, հայտարարություն, հաշվետվություն, ծանուցում տեղադրելու համար գանգահարել 094-455-456 հեռախոսահամարով:

ԿԱՐԾԻՔ

ՊՐԵՍԻԵՐԱ

ՌՈՒՄԱԿԱՆ ՖԻԼՄ «ՄԱՐԻԱ ՓՐԿԵԼ ՄՈՍԿՎԱՆ»

«Գոմ Մոսկվի» մեկուկուսուկուսաբար կենսոճեման նախաձեռնությամբ ղեկավարելի 2-ին օրվանում տեղի ունեցավ «Մարիա. փրկել Մոսկվան» ֆիլմի պրեմիերան՝ նվիրված Մոսկվայի ճակատամարտի 81-ամյակին:

Ֆիլմի ռեժիսոր Վերա Ստորոժեանս հիշեցրեց՝ կինոնկարը նկարահանել են մեկ տարի առաջ: Նկարահանումներն իրականացրել են ցուրտ ձմռանը Մոսկվայում եւ մեկ այլ քաղաքում: Ֆիլմն անդրադառնում է լեգենդի, որը ծնվել է Հայրենական մեծ պատերազմի տարիներին: Ռեժիսորի խոսքով՝ կան մարդիկ, որոնք հավատում են լեգենդին, բայց ոչ բոլոր պատմաբաններն են այն հավաստի համարում:

«Շատերը հավանաբար գիտեն, որ այդ ժամանակներում Մոսկվայում ապրել է մի կին՝ Մատրոնա Մոսկովսկայան: Պատերազմի ամենաոգեբերական պահերին, երբ թվում էր, թե թշնամին մուտք կգործի Մոսկվա, երբ բարիկադներ էին կառուցում Մոսկվայի փողոցներում, երկրի առաջնորդ Իոսիֆ Ստալինն այցելել է Մատրոնա Մոսկովսկայային, եւ նա Ստալինին ասել է՝ ինչ անել», - պատմեց ռեժիսորն ու նշեց, որ Մատրոնային մարմնավորել է դերասանուհի Օլգա Լապշինան:

Լապշինան էլ հավելեց՝ մարդիկ Մատրոնա Մոսկովսկայայի մոտ են եկել ծանր պահերին օգնություն խնդրելու, խորհուրդ հարցնելու:

«Այս կինոնկարով հորդորում ենք կյանքից վերցնել այն, ինչը կարող է նպաստել հավատի ամրապնդմանը, ինչը կօգնի հաղթահարել այն ժամանակաշրջանը, որը ծանր է ոչ միայն մի քանի ժողովրդի, այլև աշխարհի համար: Ցանկանում ենք՝ մարդիկ անեն հնարավորը, որ ամեն բան ծառայի սիրուն», - ասաց դերասանուհին:

«Գոմ Մոսկվի» կենտրոնի գլխավոր տնօրեն Վահրամ Կարապետյանը կարծում է՝ «Մարիա. փրկել Մոսկվան» յուրահատուկ կինոնկար է:

«Ֆիլմը հայրենասիրություն է սերմանում եւ՝ երիտասարդ սերնդի, եւ՝ մեծահասակների շրջանում, իսկ հայրենասիրական դաստիարակությունն անմիջականորեն ազդում է յուրաքանչյուր երկրի անվտանգության վրա: Վստահ եմ նման կինոնկարներ դիտելով՝ հանդիսատեսը կզգա սերը, որը տածում է իր հայրենիքի հանդեպ», - նշեց Կարապետյանը: Նա



ընդգծեց, որ դեկտեմբերի 1-ը նման ֆիլմերի ցուցադրության համար խորհրդանշական օր է, քանի որ մարշալ Հովհաննես Բաղրամյանի ծննդյան օրն է: Այս տարի նշվում է նրա 125-ամյակը: Հոբելյանի կապակցությամբ կենտրոնն առաջիկայում մարշալին նվիրված ցուցահանդես է բացելու, կլոր սեղան-քննարկում է նախաձեռնելու, որին մասնակցելու են նաեւ մարշալ Բաղրամյանի հարազատները:

«Մարիա. փրկել Մոսկվան» ֆիլմի հեղինակներն են Վերա Ստորոժեանսը և Մարիա Պետրովան: Նրա ճակատագրում ասես

արտացոլվում է երկրի ճակատագիրը: Լինելով քահանայի դուստր՝ նա հրաժարվում է հորից եւ հավատից, բայց հենց նրան էր վիճակված Մոսկվայի պաշտպանության սարսափելի օրերին օկուպացված տարածքից բերել հրաշագործ սրբապատկերը:

Ըստ լեգենդի՝ հենց այդ սրբապատկերը պետք է փրկի մայրաքաղաքը: Հերոսուհին անցնում է ծանր փորձությունների միջով, կորցնում իր ջոկատի բոլոր զինվորներին, իր սիրելիին: Չնայած այդ ամենին՝ նա չի կորցնում ապրելու հույսը:

ԼՈՒՐԵՐ

ԿՆԵՐԿԱՅԱՑՆԻ «ԱԼ ՆԱՍԻՐԸ»

Պորտուգալիայի հավաքականի 37-ամյա հարձակվող Կրիշտիանու Ռոնալդուն հունվարի 1-ից կներկայացնի Սաուդյան Արաբիայի «Ալ Նասր» ակումբը: Սաուդյան Արաբիայի թագաժառանգին պատկանող ակումբը Ռոնալդուի հետ կկնքի 2,5 տարվա պայմանագիր՝ տարեկան մոտ 200 միլիոն եվրո վարձատրությամբ, որը կներառի նաեւ գովազդային արձավերթից եկամուտը:

Ռոնալդուն առաջատար եվրոպական ակումբներից ոչ մի առաջարկ չի ստացել, թեև ցանկություն է ունեցել հանդես գալ Չեմպիոնների լիգայի փլեյ-օֆֆում: Անցած ամիս Ռոնալդուն ու անգլիական «Մանչեսթեր Յունայթեդը» խզել էին պայմանագիրը, որը նախատեսված էր մինչև այս մրցաշրջանի ավարտը:

ՊԱՅՄԱՆԱԳԻՐԸ ԿԵՐԿԱՐԱԶԳՎԻ

Իտալիայի չեմպիոն «Միլանը» կերկարաձգի պայմանագիրն աշխարհի չեմպիոն Ֆրանսիայի հավաքականի հարձակվող Օլիվիե Ժիրուի հետ աշխարհի առաջնությունից հետո:

36-ամյա ֆուտբոլիստը դեմ չէ համագործակցության երկարաձգմանը: Նրա գործող պայմանագիրը նախատեսված է մինչև այս մրցաշրջանի ավարտը:

Ժիրուն 2021 թվականին է միացել «Միլանին», որի հետ անցած մրցաշրջանում դարձավ Իտալիայի չեմպիոն: Միլանյան թիմում անցկացրած 57 խաղում նա խփել է 23 գոլ, կատարել 9 գոլային փոխանցում: Ֆրանսիայի հավաքականը աշխարհի առաջնության 1/8 եզրափակչում Ժիրուի գոլի եւ ՊՍԺ-ի 23-ամյա հարձակվող Կիլիան Մբապեի դուբլի շնորհիվ 3:1 հաշվով հաղթել է Լեհաստանի թիմին եւ քառորդ եզրափակչում կմրցի անգլիացիների հետ:

ՀԱՂԹԱՆԱԿԻ ՄԵԿՆԱԲԱՆՈՒՄ

Աշխարհի չեմպիոն Ֆրանսիայի հավաքականի գլխավոր մարզիչ Դիդիե Դեշամը մեկնաբանել է 3:1 հաշվով հաղթանակը լեհերի նկատմամբ աշխարհի առաջնության 1/8 եզրափակչում: Այդ խաղում 2 գոլի եւ 1 գոլային փոխանցման հեղինակ էր դարձել Ֆրանսիայի չեմպիոն ՊՍԺ-ի 23-ամյա հարձակվող Կիլիան Մբապեն:

«Ֆավորիտի կարգավիճակում մենք կարող էին հաղթահարել խմբային փուլի արգելքը, բայց դա անել փլեյ-օֆֆում ավելի լավ է: Մենք ունենք մի քանի օր հանգստանալու եւ քառորդ եզրափակիչին պատրաստվելու համար, իսկ հիմա պետք է վայելել այս հաղթանակը:

Մբապեն հիմա աշխարհի լավագույն ֆուտբոլիստն է: Իհարկե, ես ֆրանսիացի եմ եւ նրա մարզիչը, բայց այդպես եմ կարծում: Նա հատուկ պատրաստվել է այս առաջնությանը: Նա բացառիկ ֆուտբոլիստի որակներ ունի: Նա կարողանում է հանդիպման ընթացքում փոխել իր խաղը», - ասել է Դեշամը:

Քառորդ եզրափակիչում Ֆրանսիայի հավաքականը դեկտեմբերի 10-ին կմրցի Եվրոպայի փոխչեմպիոն Անգլիայի հետ:

ՎԱՐԿԱԾՆԵՐ

ՈՐՏԵ՞Ղ Է ԳՏՆՎՈՒՄ ԵՐԳՉՈՒՂԻՆ

90-ական թվականների հայկական շուկայի գնումները երբեմն կարկառուն դեմքերն այսօր այնքան էլ ակնհայտ չեն ծավալում. ոմանք զբաղվում են բիզնես գործունեությամբ, իսկ ոմանք էլ դարձապես ժամանակի հոսքի հեռից հասցնում ցարժվել: Հանրությանն ամենաուշը հեռախոսում է, թե ուր է եւ ինչու անհետացավ երգչուհի Անահիտ Մանուկյանը:

ArmLur.am-ը փորձեց կապվել երգչուհու մտերիների հետ՝ պարզելու համար, թե ինչ տեղեկություններ ունեն նրա մասին:

Նրա ժամանակակից երգչուհի ժաննա Քոչարյանն ասաց, որ Անահիտ Մանուկյանը մեր հայկական էստրադայի լավագույն երգչուհիներից մեկն էր. «Ես ցավում եմ, որ նրանից լուր չունեմ եւ տեղյակ չեմ, թե նա ինչով է զբաղվում եւ ինչու այսպես գնաց»:

Երգչուհի էմմա Պետրոսյանը մեզ հետ զրույցում ասաց՝ որքան տեղյակ է, նա ապրում է Հոլանդիայում, սակայն այլ տեղեկություններ նրա մասին չունի: Նշենք, որ զանգահարում էր միայն երգչուհի էմմա Պետրոսյանին, սակայն տարիներ անց այդ զանգերն էլ էին դադարել:

Իսկ թե ուր է ինչու անհետացավ հայկական երգարվեստից, հայրենիքից եր-

բեմնի ճանաչված եւ սիրված երգչուհի Անահիտ Մանուկյանը, այդպես էլ անհայտ է:

Միայն մամուլում հրապարակված լուրերից հայտնի է, որ Անահիտն ամուսնացած էր, երբ հերթական անգամ մեկնել էր Հոլանդիա. ամուսնուն զանգահարել է ասել էր, որ այլևս չի վերադառնալու: Անահիտը եւ ամուսինը երեխաներ չունեն, ի վերջո, այդպես էլ ամուսնալուծվել են:

Մեկ այլ վարկածի համաձայն՝ Անահիտը Հոլանդիայում հայտնվել էր հոգեբուժարանում:

ԼԻՂԱ ԵՐԿԱԶՈՒՅԱԼ

● Դեկտեմբերի 8-ին Կոմիտասի անվան կամերային երաժշտության տանը տեղի կունենա «Ջուր կուզա...» համերգային փառատունը: Տոմսերի արժեքը՝ 1000-2000 դրամ: Սկիզբը՝ ժամը 19:00-ին:



Էջը՝ ՌՈԶԱ ՊՈՂՈՍՅԱՆԻ

ՏՆՏԵՍԱԿԱՆ

ՀԱՐՑ. Հյուսիսի դրամավորման համար ձեռք բերված դրամադրամները կորցնելու դեպքում ի՞նչ դրամախանութություն կարող է առաջանալ:
Հնայակ Մախասյան (54 տարեկան)



ՊԱՏԱՍԽԱՆ. «Առետրի եւ ծառայությունների մասին» ՀՀ օրենքի հոդված 9.6-ի 5-րդ կետի համաձայն՝ չօգտագործված կամ վնասված դրոշմապիտակների վերադարձը նշված հոդվածով սահմանված ժամկետներից ուշացնելու, նշված հոդվածի 8-րդ մասով սահմանված դեպքերում հարկային տեսչությունների կամ մաքսատների կողմից հետ չընդունվելու կամ դրոշմապիտակների կորստի դեպքերում համապատասխան փաստն արձանագրվելու օրվա դրությամբ հաշվարկվում են հարկային պարտավորություններ այն չափով որ չափով հարկային օրենսդրությամբ սահմանված կարգով կհաշվարկվեն դրանք, եթե դրոշմապիտակների տեսակին, քանակությանը եւ տարրողությանը համապատասխանող ապրանքները հարկ վճարողի կողմից իրացված լինեին:
ՀՀ պետական եկամուտների կոմիտե

«ԺՈՂՈՎՈՒՐԳ». «Առետրի եւ ծառայությունների մասին» ՀՀ օրենքում 9.2-րդ հոդվածով սահմանված են ՀՀ-ում արտադրված եւ ՀՀ ներմուծված շաղկված կամ ցանկացած այլ ձեռով տարայավորված այն ապրանքների ցանկն ու ԱՏԳ ԱԱ ծածկագրերը, որոնց օտարման ցանկացած փուլում դրոշմապիտակի առկայությունը 2013թ. հուլիսի 1-ից պարտադիր է: Այդ ցանկում թանը ներառված չէ:

ՍՈՑԻԱԿԱՆ

ՀԱՐՑ. Ի՞նչ ժամկետում դեմք է նշանակվի կենսաբուժակը:
Կոմիտաս Առաքելյան (61 տարեկան)



ՊԱՏԱՍԽԱՆ. Կենսաթոշակ նշանակող ստորաբաժանումը դիմումն ընդունելուց հետո՝ տասը աշխատանքային օրվա ընթացքում, հիմք ընդունելով ներկայացված փաստաթղթերը եւ պետական կենսաթոշակային համակարգի տվյալների շտեմարանի տվյալները, կայացնում է հետեւյալ որոշումներից մեկը՝
● նշանակել կենսաթոշակ,
● նշանակել կենսաթոշակ եւ տեղեկացնել կենսաթոշակը վերահաշվարկելու համար լրացուցիչ փաստաթուղթ ներկայացնելու անհրաժեշտության մասին,
● մերժել կենսաթոշակ նշանակելը:
ՀՀ աշխատանքի եւ սոցիալական հարցերի նախարարություն

«ԺՈՂՈՎՈՒՐԳ». Կենսաթոշակ նշանակող ստորաբաժանումը կենսաթոշակ նշանակելը մերժելու կամ անձին կենսաթոշակ նշանակելու եւ լրացուցիչ փաստաթուղթ ներկայացնելու անհրաժեշտության մասին որոշում կայացնելու դեպքում հինգ աշխատանքային օրվա ընթացքում այդ մասին պատշաճ կարգով ծանուցում է կենսաթոշակ նշանակելու համար դիմած անձին՝ նշելով մերժելու պատճառները եւ որոշումը բողոքարկելու կարգը:

ՏԵՂԵԿԱՅՎԱԾ

ԼՈՒՐ ԿԱԴՐ

Լուսանկարը՝ համացանցից



«Մանկական ելուստեսիլ 2022-ի» բեմը, ինչպես եւ խորհրդանիշը կառուցված են հրաշքի շուրջ: Կենտրոնական բեմը նման է հողի, իսկ նրա շուրջ լույսով թելերն են, որոնք փոխանցելու են յուրաքանչյուր ելույթի էներգիան:

ԲԱԺԱՆՈՐԴԱԳՐՈՒԹՅՈՒՆ

Մեր թերթը
Բաժանորդագրվելու
համար կարող եք դիմել



«Հայմամուլ» ՓԲԸ
հեռ. 45-82-00, 45-19-11

«Հայփոստ» ՊՓԲԸ
հեռ. 51-45-46, 51-45-47

«Բլից-Մեդիա» ՍՊԸ
հեռ. 52-5301

Առաքումը՝ ԱՆՎՃԱՐ:

Ձեզ հետաքրքրող ցանկացած հարցով կարող եք դիմել «Ժողովուրդ» օրաթերթի խմբագրություն (010 54-64-23 հեռախոսահամարով), եւ մենք անպայման կանդրադարձնանք ձեր բարձրացրած բոլոր խնդիրներին:

ԱՌԱՋԱՐԿ
հայկական տպագիր մամուլից

«Ժողովուրդ» օրաթերթին բաժանորդագրվելու համար կարող եք լրացնել հետեւյալ բլանկը եւ ուղարկել նշված հասցեով: Ամեն օր թերթը կհասնի ձեր նախընտրելի վայր:

Բաժանորդագրության բլանկ

Անուն՝ _____
Ազգանուն՝ _____
Առաքման հասցե՝ _____
Բջջային եւ/կամ քաղաքային հեռախոս՝ _____

Հեռ.՝ (060) 490049
0023, Արշակունյաց 2, 5-րդ հարկ, 518ս.



*«Ժողովուրդ» օրաթերթում հրապարակված նյութերը արտատպելիս կամ ընթացիկ մեջբերումներ անելիս պետք է պարտադիր գրառել հետեւյալ նախադասությունը.
«Շարունակությունը կարող էք կարդալ «Ժողովուրդ» օրաթերթի այսօրվա համարում»:*

Լրատվական գործունեություն իրականացնող՝ «Ժողովուրդ թերթի խմբագրություն» ՍՊԸ
Հասցեն՝ ք. Երեւան, Աբովյան 22՝/3, հեռ.՝ 010 54-64-23
Պետական գրանցման վկայականի համարը՝ 03Ա089086
տրված է 24.11.2010
Ստորագրված է տպագրության 5.12.2022
Պատկեր/Պատկերակազմի մասը ք. Կարբինո, 4 համայնական 2021

Գլխավոր խմբագիր՝
ՔՆԱՐ ՄԱՆՈՒԿՅԱՆ

Տպագրված է «ԳԻՆՂ» տպարան ՍՊԸ հրատարակչությունում խմբագրություն հանձնված նյութերը չեն գրախոսվում եւ չեն վերադարձվում, Գ նշանով նյութերը գովազդային հրապարակումներ են, որոնց համար խմբագրությունը պատասխանատվություն չի կրում: